

淨土五經系列《阿彌陀經》演講第十六講 經文說明

佛陀教育基金會 民國107年9月20日 蔡恆明老師

（請合掌）

南無本師釋迦牟尼佛！南無本師釋迦牟尼佛！南無本師釋迦牟尼佛！

◎開經偈◎

「無上甚深微妙法 百千萬劫難遭遇

我今見聞得受持 願解如來真實義」

◎四弘誓願◎

「眾生無邊誓願度 煩惱無盡誓願斷

法門無量誓願學 佛道無上誓願成

自性眾生誓願度 自性煩惱誓願斷

自性法門誓願學 自性佛道誓願成」

經文一

「又舍利弗。極樂國土，有七寶池，八功德水，充滿其中，池底純以金沙布地。四邊階道，金、銀、琉璃、玻璃合成。上有樓閣，亦以金、銀、琉璃、玻璃、硨磲、赤珠、瑪瑙而嚴飾之。池中蓮花大如車輪，青色青光、黃色黃光、赤色赤光、白色白光，微妙香潔。」

【申論】

一、《要解》云：「上明住處。今明生處。寶池金銀等所成。不同此方土石也。」

(一) 上四土依果明住處。此寶池蓮華明生處。池以金銀等七寶所成。異此娑婆土石。此即相對而論。以顯極樂絕對之樂。

(二) 「不同此方土石」者。

1. 非但金寶與土石不同。亦乃凡聖迥別。

2. 此方是凡夫有漏染業所感。彼土乃聖人無漏淨業所成。又是彌陀願力莊嚴。

3. 此土如牢獄。彼土如天宮。豈可相比。

4. 言金銀七寶等者。彼土寶實無量。且順此方凡情所重而言七種。乃至八功德水。亦順此方凡水。言其似而已。

5. 此土天宮之寶水。尚不可思量。況聖人之域。豈可以凡情測度也。以彼土隨拈一法。皆是彌陀三身四德。毫無差別故也。

6. 七寶池，池底純以金沙布地者。《無量壽經》云：「內外左右，有諸浴池，或十由旬，或二十、三十，乃至百千由旬。縱廣深淺，各皆一等。八功德水，湛然盈滿，清淨香潔，味如甘露。黃金池者，底白銀沙；白銀池者，底黃金沙；水精池者，底琉璃沙；琉璃池者，底水精沙；珊瑚池者，底琥珀沙；琥珀池者，底珊瑚沙；磲磔池者，底瑪瑙沙；瑪瑙池者，底磲磔沙；白玉池者，底紫金沙；紫金池者，底白玉沙；或二寶三寶，乃至七寶，轉共合成。」

二、《要解》云：「八功德水。一澄清。異此方渾濁。二清冷。異寒熱。三甘美。異

鹹淡劣味。四輕軟。異沉重。五潤澤。異縮腐褪色。六安和。異急暴。七除饑渴。

異生冷。八長養諸根。異損壞諸根。及瘡戾增病沒溺等也。」

(一) 八功德水，略顯八種功德。文易可知。惟縮腐褪色。與沴戾六字。解註如下。「縮」者臭也。「腐」者日久味變。「褪色」日久色變。「沴」者不和。戾者不順。因不和順，所以增病。

(二) 極樂寶水，非止八德。實則功德無量。《觀無量壽經》云：「一一池水。七寶所成。其寶柔軟。從如意珠王生。分十四支。一一支作七寶妙色。其摩尼水。流注花間。尋樹上下。其聲微妙。演說苦。空。無常。無我。諸波羅密。」是水本無情。而能說法。豈思議之所能及哉。

(三) 《無量壽經》云：「彼諸菩薩，及聲聞眾，若入寶池，意欲令水沒足，水即沒足；欲令至膝，即至於膝；欲令至腰，水即至腰；欲令至頸，水即至頸；欲令灌身，自然灌身；欲令還復，水輒還復。調和冷暖，自然隨意。開神悅體，蕩除心垢。清明澄潔，淨若無形。寶沙映徹，無深不照。微瀾迴流，轉相灌注，安詳徐逝，不遲不疾。」是水本無心。能隨人意。又豈思議之所能及哉。

(四) 《要解便蒙鈔》云：「疏云八功德者。若論寶水功德。其實無量。且順凡情略顯八種。

一澄清異此方渾濁者。彼土寶水。非但自體澄清。還能澄清一切眾生身心。故經云。開神悅體。蕩除心垢也。此方之水。非但不能蕩除心垢。自體渾濁。復能渾濁一切也。

二清冷異寒熱者。彼土之水。非但自體清涼。復能清涼一切。浴此水者。離一切熱惱故。此方之水。非但不能除惱。自體寒熱。復又寒熱一切。三甘美異鹹淡劣味者。彼方之水。非但自體甘美。復又甘美一切。飲此

水者。離苦得樂故。此方之水。非但不能離苦得樂。自體鹹淡劣味。(海鹹。河淡。餘水味劣)。復又鹹淡一切。

四輕軟異沉重。彼方之水。非但自體輕軟。復又輕軟一切。浴此水者。身心皆輕安故。此方之水。非但不得輕安。自體沉重。復又沉重一切。五潤澤異縮腐褪色。彼方之水。非但自體潤澤。復又潤澤一切。飲此水者。無有不得利益。此方之水。非但不得悉檀。自體腐褪色。復又腐一切。(者臭也。腐者。爛也。褪色者。日久色變也)。

六安和異急暴者。彼方之水。非但不急暴。自體安和。復又安和一切。經云。微瀾迴流。安詳徐逝。聞此水聲。皆得法忍。此方之水。非但不能說法。自體急暴。復又急暴一切。

七除饑渴異生冷者。彼方之水。非但除色身饑渴。復除法身之饑渴。飲此水者。能得無量三昧辯才故。此方之水。非但不得法喜。自體生冷。復又生冷色法二身。

八長養諸根。異損壞諸根。及沴戾增病沒溺等也者。彼方之水。非但長養色身諸根。復能長養法身諸根。謂信進念定慧。此方之水。非但不長養二身。復又損壞諸根。並及沒溺而死。沴戾而病也。(沴者。不和。戾者。違戾)。」

(五) 《疏》云：「八功德者。唐譯云。一澄淨。二清冷。三甘美。四輕軟。五潤澤。六安和。七除飢渴。八長養諸根。具八種功德。利益眾生也。觀經疏開八德。與此小異。池底金沙者。金沙為底。無泥滓也。」

(六) 《鈔》：「一澄淨者。謂澄淨潔淨。離汙濁故。」

二清冷者。謂清湛涼冷。無煩熱故。

三甘美者。謂甘旨美妙。具至味故。

四輕軟者。謂輕揚柔軟。可上下故。

五潤澤者。謂津潤滑澤。不枯澀故。

六安和者。謂安靜和緩。絕迅汎故。

七除飢渴者。謂水僅止渴。今兼療飢。有勝力故。

八長養諸根者。謂增長養育身心內外故。

觀疏八德者。一輕。二清。三冷。四軟。五美。六不臭。七飲時調適。

八飲已無患。與上大同小異。此合輕軟。彼分為二。此無不臭。彼缺潤

澤。及與安和。然義則互見。以澄淨清冷。必無臭惡。既輕且軟。豈不

安和。略少潤澤。故云小異。又彼配六入。此則澄淨色入。甘美味入。

至云長養諸根。則耳鼻身意。皆攝之矣。又大本云。大河之下。金沙布

地。有諸天香。世無能喻。隨水散馥。雜水流芳。皆香入之證也。下文

說法。是聲入與法入證也。

(七) 《演義》：「此合輕軟下。是明同異。此指大本。彼指觀經。彼配六入者。

清為色入。不臭香入。美為味入。輕冷軟是觸入。調適無患是法入。并

前說法即聲入也。雖成六入。無非妙境。」

三、《要解》云：「充滿其中。異枯竭汎濫。底純金沙。異汙泥。階道四寶。異磚石。

陞級名階。坦途曰道。重屋為樓。岑樓名閣。七寶樓閣。異此方土木丹青也。樓

閣是住處。及法會處。但得寶池。蓮胞開敷。便可登四岸。入法會。見佛聞法也。」

(一) 此方之水。有時枯竭。則不能得其用。有時泛濫。儒書云。洪水橫流。

泛濫於天下。則復損壞一切。底純金沙。亦只略言。觀經云。真金為渠。其下皆雜色金剛。以為底沙。大本云。純一寶池。底沙亦以一寶。黃金池者。白銀底沙。水晶池者。琉璃底沙。二寶為池。底沙亦二。乃至七寶。亦復如是。異此方池底皆汙泥不淨也。

(二) 「陞級名階。踐之上升。坦途曰道。履之遊行。重屋曰樓。岑樓曰閣。」此即佛僧所居及聚會說法之處。七寶所成。則皆用七寶莊嚴而較飾之。異此方土木。彩畫丹青而嚴飾。

(三) 《無量壽經》云：「阿彌陀佛。講堂精舍。宮殿樓閣。皆以七寶。勝於此界。第六天上。天帝所居。百千萬倍。菩薩所居。亦復如是。諸天及人。宮宇樓閣。稱其形色高下大小。或以一寶二寶。至無量寶。」

(四) 七寶者，金、銀、琉璃、玻璃、硨磲、赤珠、瑪瑙。

1. 以金為首，具四義。體則堅固、性則柔軟、色具光明、價本貴重。

2. 銀此四義，所不能及，故排次位，價也貴重。

3. 琉璃此云青色寶石，就是翡翠。

4. 玻璃此云水玉，即水晶。

5. 硨磲此云大貝。貝為海中介蟲。大者為寶。有云並非梵語。以其形似車之渠，渠者網也。

6. 赤珠乃赤蟲所出之珠或即紅寶石。

7. 瑪瑙有山瑪瑙、水瑪瑙之分，以紅色瑪瑙為珍貴。

8. 如上七寶。但取名同此方。實則一一超勝百千萬倍。

(五) 問：西方佛聖。何以貪華麗。尚美觀耶？此土土古聖賢。如堯帝處茅茨。

禹王卑宮室。顏回居陋巷。祇貴其德。不重寶嚴。讀古者。無不景仰其風。

答：此由彌陀大願所成。亦由諸上善人淨行所感。不待造作經營。又由彌陀大開方便。隨順眾生厭穢忻淨之心理。以大願行。莊嚴成就極樂淨土。今十方眾生。有欲捨苦求樂。信願念佛。求生彼國。即可橫截生死。正所謂先以欲鉤牽。後令入佛智也。○蓮池大師云。喻如正厄饑寒之國。忽聞飽煖之鄉。方沉幽暗之崖。乍睹光明之境。豈不身心踴躍。捨故趣新。但得往生。終成解脫。方便接引。當如是耳。

(六)

《要解便蒙鈔》云：「充滿其中。異枯竭汎濫者。彼方之水。非但充滿。復能善隨人意。經云彼諸菩薩。及聲聞眾。若入寶池。意欲令水沒足。水即沒足。欲令至腰。即至於腰。乃至欲令還復。水輒還復。調和冷暖。自然隨意。此方之水。非但不隨人意。不是枯竭。便是汎濫。枯竭則不能得其用。汎濫則復更損壞一切也。底純金沙異汙泥者。彼土池底。或是金沙。或銀沙。或一寶沙。乃至無量寶沙等。此方池底。純是污泥。目不可睹。鼻不可聞也。便可登四岸。入法會。見佛聞法者。非但登東西四岸。乃登四德之岸。入四土之法會。見四身之佛。聞四教之法也。三明充滿其中等竟。」

四、

《要解》云：「華輪者。輪王金輪。大四十里。且舉最小者言。若據觀經。及無量壽會。大小實不可量。由同居淨土。」

(一) 此明華輪。即蓮花大如車輪。非指普通車輪。乃舉轉輪聖王之金輪。輪王有四。

一 鐵輪王。統領南洲一洲諸國。

二 銅輪王。統領東南二洲諸國。

三 銀輪王。統領東西南三洲諸國。

四 金輪王。王四大部洲。至要即王位。有金輪寶自然現前。乘之一日之內。可以周遊四大部洲。金輪王出世。海水低落。海邊現有輪王道路。能通四洲。輪王有七寶。千子。以十善化導。四洲皆服。

(二) 「金輪大一由旬。四十里。乃舉最小由旬言」。若據觀經。及寶積經中。

無量壽如來會所明。大小實不可限量。由同居淨土。有凡有聖。身相等故。觀經云。一一池中。有六十億七寶蓮華。團圓正等。十二由旬。大本云。池中蓮華。或一由旬。乃至百由旬。千由旬。

(三) 問。蓮華大小。何以相去甚遠？

答。由十方念佛眾生。工夫勤惰不等。故所感蓮華大小不一。現前有一眾生。聞說淨土法門。發心信願持名。七寶池內。即時產一蓮芷。標名於上。如若精進念佛。蓮華日大一日。光色日鮮。如中途退心。或另學別種法門。則蓮華漸枯。倘一生修持到底。則臨命終時。彌陀接引往生。即生此蓮。名為「託質蓮胎」。以九品蓮花為父母。清淨受生。花開見佛。是蓮華乃卸凡殼之玄宮。安慧命之神宅。蓮喻車輪者。不但狀蓮之形。而且表蓮之德。輪有運載義。而此華輪。能至十方。接引眾生。出離苦海。往生極樂。可為彌陀大願船。普載眾生。同赴蓮池會也。

(四) 《要解便蒙鈔》云：「華輪者。池中蓮華大如車輪也。車輪。乃金轉輪王

金輪寶。輪王有四種。謂金。銀。銅。鐵。金輪王掌金輪。王四天下。

有七寶千子。出人壽八萬四千歲時。純以十善化導。金輪寶大四十里。且舉最小蓮華而言。若據十六觀經。及寶積經中。無量壽如來會。所明大小。實不可限量。由同居眾生。身相不等故也。極樂蓮華光色無量者。非但蓮華無量。乃至光亦無量。色亦無量。此亦略言者。非但蓮華略言。乃行樹羅網寶池。金沙德水等。若光。若色。若依。若正。一一皆略言。以此經乃刪繁取要故也。略歎蓮華四德者。蓮華功德亦無量。非止微妙香潔四德也。質而非形者。質。乃七寶之體質也。非形。謂非定大小之形。隨心如意也。無礙曰妙者。即隨心如意。故不可思議也。非形則非塵者。既隨心如意。全體唯心。經云。此見及緣。元是菩提妙淨明體。故曰非塵。故潔也。蓮胞既微妙香潔。所生之身。亦微妙香潔也。經文初釋生處竟。」

五、

《要解》云：「青色名優鉢羅。黃色名拘勿頭。赤色名鉢頭摩。白色名芬陀利。由生身有光。故蓮胞亦有光。然極樂蓮華。光色無量。此亦略言耳。微妙香潔。略歎蓮華四德。質而非形曰微。無礙曰妙。非形則非塵。故潔也。蓮胞如此。生身可知。」

(一) 此先明蓮華光色。後舉四德。蓮分四色。色各有光。由眾生身有光明。故蓮胞亦有光。光色本應無量。四色亦略言耳。

(二) 微妙香潔。略歎蓮華四德者。既曰略歎。當知蓮之德。亦不止此。質而非形曰微者。質乃寶華之體質。形量大小不定。各隨念力而現。故曰非形。無礙曰妙者。自在無礙。不可思議。十方眾生發心念佛。華即標名。勤惰纔分。榮枯頓異。是為感應冥符妙。又上中下品。各隨功行。無量

往生。不致錯謬。是為勝劣分明妙。香者。彼土之蓮。光色既勝。香氣應異。非此方蓮香可比。非形即非塵者。既非一定大小之形。則自然非色塵之德。而全體唯心矣。元是菩提妙淨明體。故曰非塵故潔也。蓮胞既光色明耀。微妙香潔。則生身莊嚴殊勝可知。以上釋生處竟。

(三)

《無量壽經》與《觀無量壽經》均說凡是生到西方世界的人，其身體、容貌、受用是阿彌陀佛所加持，都是一樣的，惟獨蓮花大小不同，因蓮花大小是依自己念佛工夫而有異。所以蕩益大師說：「得生與否，全由信願之有無；品位高下，全由持名之深淺。」蓮花大小與品位高低有密切關係。

(四)

西方世界的人，身皆有光，蓮花亦有光。光有無量色，此處只提四色乃略舉耳。蓮花微妙香潔，亦眾寶所成，形狀隨念力而有大小不同，西方一切受用無不隨心所欲，自在無礙，不可思議，有形亦能通行無礙，即華嚴所說事事無礙。天人以上的境界，即事事無礙，何況這是如來果地上的莊嚴。十方世界眾生，聽到阿彌陀佛的名號知道西方有一個極樂世界，能相信發願，念佛求生，西方七寶池中即生出一個蓮苞，上有自己的名字，我們在人世間念佛，七寶池中的蓮花愈念愈大，如改信其他法門或參禪或學密，此花即枯萎。西方世界一切景觀均不生不滅，惟獨蓮花變化無常。大經中提到西方世界的眾寶，不但光色微妙而且有香氣，故西方亦稱為「香光莊嚴」，確有極妙之象。蓮花沒有一定形狀，變化而有，並非色塵，故無污染，純為潔淨，唯心所現。蓮花如此殊勝圓滿，乃是生處，故人的身體色相比蓮花更為殊勝。

「舍利弗。極樂國土成就如是功德莊嚴。」

【申論】

一、《要解》云：「明上住處生處。種種莊嚴。皆是阿彌陀佛。大願大行。稱性功德之所成就。故能遍嚴四種淨土。普攝十方三世一切凡聖。令往生也。」

(一) 極樂國土，成就住處生處如是種種莊嚴，皆是阿彌陀佛，大願大行稱性功德之所成就。

1. 願行為能莊嚴。極樂是所莊嚴。此約佛釋。

2. 「大願」，即彌陀因中為法藏比丘。對世自在王佛。發四十八願。第三十二願云：「設我得佛。自地以上。至於虛空。宮殿樓觀。池流華樹。國中所有。一切萬物。皆以無量雜寶。百千種香。而共合成。嚴飾奇妙。超諸天人。其香普熏。十方世界。菩薩聞者。皆修佛行。若不爾者。不取正覺。」

3. 「大行」，即彌陀願後。勇猛精進。阿僧祇劫。修菩薩行。大本云。法藏比丘。於世自在王佛所。攝取二百一十億佛剎。清淨之行。

4. 「稱性功德」者。稱合真如自性。本具功德。一切莊嚴。亦復性本自具。但非佛力。不能成就。故曰稱性功德之所成就。

5. 「遍嚴四種淨土」。真性圓滿周遍。故能普遍莊嚴。四種淨土。彌陀願行圓滿。莊嚴淨土。為眾生作增上緣。帶起十方三世一切凡聖。自心種種莊嚴。為所緣緣。一切凡聖。緣此莊嚴淨土。起欣慕心。而修淨業。求生淨土。故曰「普攝十方三世一切聖凡。令往生也」。

二、

《要解》云：「佛以大願。作眾生多善根之因。以大行。作眾生多福德之緣。令信願持名者。念念成就如是功德。而皆是已成。非今非當。」

(一) 復次。阿彌陀佛以因中所發大願。能作眾生多善根之因。又以願後所修大行。能作眾生多福德之緣。

(二) 此間因緣所生法意須善會，為什麼彌陀願行。能為眾生作殊勝因緣？

1. 因佛以此願行。莊嚴成就四種淨土。

2. 又以此願行。莊嚴成就一句名號。

3. 令眾生信願持名者。以佛之願為願。以佛之行為行。皆得多善根多福德。念念執持名號，相續無間。即念念以此善根福德。成就如是稱性功德莊嚴。此義約眾生釋。

4. 「而皆是已成」者。眾生性本自具一切莊嚴。但經由念佛，方能成就。起信願行。即是已成。

5. 「非今非當」者，非現今才成，也非常來成也。

6. 「令信願持名者。念念成就如是功德。而皆是已成。非今非當。」阿彌陀佛的善根、福德，加持給我們；我們也一變就成為多善根、多福德之人。念念執持名號，相續無間！那麼就是念念以此善根福德，成就如是稱性的功德莊嚴。

三、

《解》：「此則以阿彌種種莊嚴。作增上本質。帶起眾生自心。種種莊嚴。全佛即生。全他即自。故曰成就如是功德莊嚴。」

(一) 此約生佛圓融不二釋。

1. 以彌陀大願大行。種種稱性莊嚴。此屬性宗。

能為眾生作增上緣之本質。帶起眾生自心所現種種莊嚴。此屬相宗。

性不礙相。相不離性。性相圓明。眾生與佛無二無別，這是把以往

性相兩宗的門庭界線打破了，所以才能夠見得這樣的圓融，自在。

緣有四種：親因緣；無間緣，所緣緣，增上緣。增上緣，它有一種增上的力量來幫助你，在此地就是講阿彌陀佛的願行，稱性所起的種種莊嚴，有增上的力用。它示現一個「本質境」由於這個本質境就能夠帶起眾生自心的種種莊嚴。這個「帶」，是唯識裡面所講的變帶。這個意思就是說眾生必須要託佛增上緣的本質境，才能夠變其自心種種的莊嚴，那麼這個就叫做帶質境。那麼這個帶質境是為自己所緣的，本質能現帶質，帶質就很像本質，實際與本質好像也沒有兩樣；所以叫「全佛即生」，全佛的本質就是眾生的帶質，眾生的帶質境與佛的本質境無二無別。換句話說，不能夠離開他的本質境。全他即自，「他」就是講的阿彌陀佛，全以阿彌陀佛的莊嚴就是自己的莊嚴，自己的莊嚴不離開阿彌陀佛的莊嚴，與阿彌陀佛的莊嚴也是無二無別。這兩個意思怎麼說都是一樁事情，成就如是生佛一如，這是我們必須要記住、要曉得。「生佛一如，自他不二，事事無礙。」不可思議的功德莊嚴。這把所受用的境界，住處、生處，介紹完了。

補充一：「佛陀授記

淨飯王與七萬釋種皆生淨土」《淨土聖賢錄》

釋迦牟尼佛在迦毗羅衛國的尼居陀林時，命令弟子迦盧陀夷，前往度化佛陀的父王。迦盧陀夷到了迦毗羅衛城時，來到王宮，為淨飯王讚歎世尊的希有功德。淨飯王於是

生起恭敬的信心，率領所有的釋迦種族，前往佛陀的住所。佛陀既已為天龍八部各個授記之後，即為淨飯王廣說三解脫門。又說：「一切諸法，皆是佛法。」淨飯王言：「若一切法是佛法的話，一切眾生亦應是佛。」佛陀說：「若是能夠不起顛倒而妄見有眾生相者，當下即是佛。所謂佛者，如實地見眾生是虛妄也。如實見眾生者，即是見到諸法的實際。實際者，即是法界。一切法無生，此是陀羅尼（總持）門。應當在此法中，而安住其心，不要信仰其他法。」爾時淨飯王等七萬釋迦種族，聽聞佛法解悟其理，得無生法忍。

佛陀於是現出微笑，而說偈曰：「釋種已得決定智，是故於佛所說法，決定心住於無生，人中命終已，得生安樂國，面奉無量壽，無畏成菩提。」（大寶積經）

補充二：「宋王古、葛繁二人念佛順利往生」

王古。字敏仲，東都（河南洛陽）人，文正公王旦的曾孫。其祖先七代持不殺生戒，而王古更是發心，放生一百萬個生命。他曾經前往江西，與晦堂、楊岐等諸大禪師，參究禪宗之事。後來作《直指淨土決疑集》，宏揚西方淨土之教。平日起居的時候，念珠從不離手。行住坐臥之間，都修習淨土世界的觀想，從來不曾間斷。又曾著《淨土寶珠集》序云：「眾生心淨，則佛土淨。法性本來無生，而無不生。有佛世尊，今現在說法，在極樂國，號阿彌陀。其因緣殊勝時劫長久，悲心深廣願力弘大。極樂世界阿彌陀佛有無量無邊際的光明攝受著眾生，有不可思議清淨殊妙的莊嚴相好。在淨土裡，珍珠羅網裝飾了綺麗的天空，七寶玉樹排列矗立於廣闊的大地。清淨池中流溢著八功德水，蓮之內發出青黃赤白四種光明。六時之間，演奏著清柔雅韻的天樂。往千萬億的佛土，散落衣祴間美麗的妙華，以供養諸佛。極樂世界是諸佛世尊皆共讚歎，十方

菩薩咸來歸集之地。

眾生既是阿彌陀佛心內的眾生，自然是一再不斷地攝化；極樂既然是眾生心中的淨土，於是念念皆可往生。形質託於西方七寶蓮華之時，實在是不離於本性當處；神遊遍往眾多剎土之際，豈能離開我們的自心。就如同鏡子含藏著萬般的物象，而本身卻無有往返來去；又似明月映照在千江之中，而明月並沒有上下升沈。如果有圓頓的根機，則都是一生補處的菩薩；若是要說明其方便之門，則有九品階位的差別。念我們本性的無量光，而本來即是無念；生於唯心的極樂世界，而當下即是真實無生。如果要解脫生死的苦輪，即使是十念也能夠超生於淨土寶地；會歸到畢竟的實際理地，二乘也能夠究竟地證於菩提。例如大船運載石頭，而能夠免於沈淪江海。若能順風揚帆，終究沒有任何的滯礙阻難。悟了這個道理，則非遠亦非近；若是迷失了，則雖然很近卻變得遙遠。可歎啊！那些學問寡而業障多、疑心深而觀行淺的人，把淨土貶斥為權巧的小教，而自己執著於寂靜空亡的境界。那就是不以馬鳴、龍樹菩薩為然，認為智者、永明大師是不通達心性的人。不肯相信自己當受親證菩提的授記，不肯頓生如來之家。如同籠中之鳥、鼎裡之魚，不知生死之苦，而安然遊戲於其中。把如白駒過隙短暫的時間、如風中燈燭的殘年，妄計為長久不變的。因此虛受此一報身，冤枉地投向諸趣受苦。豈知釋迦世尊讚歎勸導，如來金口一再叮嚀。一剎那之間就可與聖賢為侶，一轉眼之際就可以具足相好。永遠拋離五濁之苦而享受清淨的快樂。若是悲心重的，則可迴入娑婆，救度在六道三塗受苦的眾生。於這個事實不能夠如實了知，實在是為可憐憫者！」

徽宗年間（西元一一〇一、一一二五年），王古官至『戶部侍郎』，因為朋黨之禍而失去官職，不久之後就往生了。當時有一位僧人在禪定中神遊淨土，見到王古和葛繁都

在極樂世界。葛繁，澄江人，官至『朝散大夫』，無論辦公的府第或私人的居家，必定都整理出一個修行淨業的居室，

心得：今天學到了什麼？如何應用在日常生活上？

下次進度：第十七講 「經文說明」

上課日期：9月27日（星期四）

阿彌陀佛！

◎三皈依文◎

「自皈依佛，當願眾生，體解大道，發無上心。

自皈依法，當願眾生，深入經藏，智慧如海。

自皈依僧，當願眾生，統理大眾，一切無礙。」

◎懺悔業障◎

「往昔所造諸惡業，皆由無始貪瞋癡，

從身語意之所生，一切我今皆懺悔。

罪從心起將心懺，心若滅時罪亦亡，

心滅罪亡兩俱空，是則名為真懺悔。」

◎淨土迴向發願文◎

「一心皈命，極樂世界，阿彌陀佛。

願以淨光照我，慈誓攝我。

我今正念，稱如來名，為菩提道，求生淨土。

佛昔本誓，若有眾生，欲生我國，志心信樂，乃至十念，若不生者，不取正覺。

以此念佛因緣，得入如來大誓海中。

承佛慈力，眾罪消滅，善根增長。

若臨命終，自知時至，身無病苦，

心不貪戀，意不顛倒，如入禪定。

佛及聖眾，手執金台，來迎接我，於一念頃，生極樂國。

花開見佛，即聞佛乘，頓開佛慧，廣度眾生，滿菩提願。

十方三世一切佛！一切菩薩摩訶薩！摩訶般若波羅密！」

◎普皆迴向偈◎

「聽經功德殊勝行，無邊勝福皆迴向，

普願沉溺諸眾生，速往無量光佛剎。

十方三世一切佛，一切菩薩摩訶薩，

摩訶般若波羅蜜。」